



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. XIII. Ultima Christi verba.

[urn:nbn:de:hbz:466:1-49178](#)

Felix ter felix, æternum felix, qui eâ fiduciâ, dum
imminet ultimum vitæ momentum, potest dicere:
Consummatum est.

§. XIII.

Ultima Christi verba.

Apoc. i. Post omnis consummationis finem, illi, qui est
principium & finis, superest ultimus actus, isque
Christo longe difficilimus, nobis utilissimus, toti
mundo optatissimus, ut illi, à quo in utero Matris
acceperat, in patibulo crucis, Patri tradat spiri-
tum, & ita redimat mundum. Dicebat ergo tacite

Ioan. 16. secum in corde suo: *Exivi à Patre, & veni in mundum:*
46. *iterum relinquo mundum, & vado ad Patrem. Sic ipse*
Psa. 95. 4 tacite secum sine voce: deinde, *Magnus Dominus, cu-*
jus magnitudinis non est finis, clamans voce magnâ, ait:
Luc. 23. *Pater in manus tuas commendô spiritum meum. A prin-*
46. *cipio quando creavit DEUS cœlum & terram, nihil*
Gen. 1. 1. *unquam creavit, nec creabit aliquid præstabilius;*
aut pretiosius, aut sanctius, quām erat Christi spi-
ritus. Ille est spiritus, quem debet laudare omnis
spiritus: per quem spirant, & ad quem aspirant, &
in quo respirant, & respirabunt omnes beati spi-
ritus tam hominum, quām Angelorum. Tradidit
Christus Corpus suum potestate Judæorum, ut illi
Iud pro arbitrio suo omni crudelitatis carnificina
cruciarent, discerperent, lacerarent; Sed nullatenus in
spiritum ejus saviendi habebant potestatem: So-
lum ergo spiritum, ut Patri tradaderet, reservavit, ut
Pater illi eundem post triduum redderet, & cor-
poris restitueret. Proh DEUS immortalis! tantine
valet salus unitus animæ, ut pro mea salute;
Anima Christi tam crudeli morte separanda
fuerit

fuerit à corpore ? Ergone ego tanti valeo, quanti
sanguis & vita Christi? Ergone post tot impensas
me perdam? Non suppetunt hic mihi verba, quæ
loquar ; itaque loquatur pro me verè hic totus
melleus & lacteus Bernardus : *Quod si totum me Tract.* **b**
debeo pro me factō , quid pro me refectō; & refectō tali dilig.
modo? Nec enim tam facile refectus quam factus. Nam Deo.
qui me semel, & tantum semel dicendo fecit, in reficien-
do profecto & dixit multa, & gesit mira, & pertulit
dura, sed indigna. Quid ergo retribuam Domino, pro
omnibus quæ retribuit mihi ? In primo opere me mihi de-
dit; in secundo se : & ubi se dedit, me mihi reddidit. Da-
tus ergo & redditus me pro me debeo, & bis debeo. Quid
DEO tribuam pro se ? Sic ipse , nimirum in tota
Christi passione hoc est in primis expendendum, Christo
& æstimandum, Christum scilicet se totum no- omnia
bis dedisse, nihil sui reservando. Jam verò ubi nega-
Christus se totum amore toto , corpore toto, mus &
sanguine toto, animâ totâ tibi tradidit , quid tu aliis
illi ex te toto, Christo reddidisti ? Si dentem pro tradi-
dente oculum pro oculo , imò totum pro toto mus.
reddere oportet , tunè unquam propter Chri-
stum, pro te & passum , & mortuum, & totum
tibi traditum, propter nimiam illam, quâ te dile-
xit, charitatem, vel semel oculos avertisti ne vi-
derent vanitatem ? Oculos ergo alteri tradidisti.
Potesne meminisse te unquam propter Christi
manus perforatas clavis, & cruci affixas, ab illici-
to opere manum continuisse? Negasti ergo illi &
manus, tu qui es opus manuum ejus. Auderesne
asserere, te propter linguam Christi, felle, & ace-
to potatum, vel semel compressisse linguam tuam
à maledictis, contumeliis, mendaciis, juramen-
tis ? Linguam ergo illi subtraxisti. Alia jam aspi-
ce, & inspice, & totum te per circuitum circum-

spice; vide quid ex te toto, Christo tradisti? quot-
 quot in corpore tuo recensentur membra, tot
 tibi fuerunt, quibus Christum oppugnasti, arma,
 Hi sunt, piissime Jesu, fructus tuæ passionis. Ideò
 in nos fuisti tam bonus, ut nos essemus mali: ideò
 misericors, ut nos immisericordes: ideò te in nos
 exhibuisti tam pium, ut nos essemus impii? Ad si-
 miles vereor ne idem dicat moriens in Cruce
 Christus, quod olim scribens ad quosdam Pau-
 lus. Sic enim Paulus: *Timeo de vobis, ne sine causa la-
 boraverim in vobis.* Frustra pro vobis de cœlo de-
 scendi, & factus sum homo: frustra pro vobis in
 stabulo natus, in prælepio reclinatus, octavo die
 circumcisus frustra per 33. annos in fame, & siti,
 & frigore, & æstu, & sudore vultus mei, & san-
 guine totius corporis, quæsivi te ovem perditam:
 frustra tot opprobria, alapæ, sputa, flagella, spinæ,
 clavi, crux, vita, mors, omnia. Sine causa laboravi,
 quia laboris fructum nullum retuli. Non tantus
 est Christo dolor pro te sic laborasse, quantus,
 nihil suo labore profuisse. O miseri, & perom-
 nem æternitatem faturi miserrimi! quibus tam
 copiosa redemptio, redemptorum erit perditio,
 & ipsa Christi passio, illorum, pro quibus est pas-
 sus, condemnatio. Præstat hominem illum nun-
 quam fuisse natum, quam Christum frustra pro
 illo fuisse passum. Hoc ne mihi contingat, ad te
 me converto, qui pro me, ne morerer, es mortu-
 us. Os meum applico ori tuo, ut suscipias verba
 mea, postquam tu jam protulisti ultima verba
 tua. O sacrosanctum os, unde tot æternæ Verita-
 tis oracula promanarunt, & promissa omnium
 bonorum. Ex illo sacratissimo ore prodiere hæc
 verba: *Petite, & accipietis. Unum est quod peto, &*
*secundum non adjiciam, & per os tuum divini-
 sum,*

Gal. 4.

Luc. 11.

simum, quod jam aperis, ut in manus Patris emitas spiritum tuum, peto, ut dum ego aperiam os meum, ut emitram spiritum meum, ex hoc ore eadem prodeant, quæ cum morereris, ex ore tuo, hæc ultima verba: *Pater in manus tuas commendabo spiritum meum.*

§. XIV.

Inclinat caput.

Sequitur ultimum ordine, sed primum dignitate de Christo paciente mysterium, quod est omnium prodigiorum longè maximum, mors DEI immortalis. Itane vero ergo ut vivat vilis vermiculus terræ, moritur dominus cœli! Quamdiu procabit amorem meum Amor divinus? Quot ludos aget? quot scenas peraget? quot personas sustinebit? Egressus est ut sponsus, currexit ut gigas, jacuit ut infans, fugit ut exul; ambulavit ut peregrinus, obedivit ut subditus, ministrauit ut servus, luctatus ut miles, docuit ut Magister, sanavit ut Medicus. Et quas non scenas in gratiam mei egit in praesepi, in stabulo, in fæno, in domibus, in vicis, in compitis, in castellis, in Templis, in Synagogis, in oppidis, in urbibus, in solitudine, in montibus, in vallibus, terra, ac mari? in horto Gethsemani, in domo Annæ, in ædibus Caiphæ, in prætorio Pilati, in palatio Herodis, & tandem in patibulo crucis? Adhuc pergit amare hominem Jesus? nequid incipis amare ô homo JESUM! Post omnia moritur ut reus. Antequam moreretur, tacite secum ingeminabat hæc verba Prophetæ: *Quid est quod debui facere vi- nea mea, & non feci?* Fateor, pervenisti ad fastigium Charitatis, ad ultimam lineam amoris, non est quod potes ultrà facere. Cum es es Deus, fa-

Christi
in nos
benefi-
cia.

Isa. 4. 5.